



სახელმწიფო შესყიდვების
სააგენტოს თავმჯდომარის
გ ა ნ კ ა რ გ უ ლ ე ბ ა



KA080153290480319

№ 3561

22 / აგვისტო / 2019 წ.

შპს „ჰიდრო და საინჟინრო გეოლოგია 2011“-ის გაფრთხილების შესახებ

შემსყიდველი ორგანიზაცია: ამბროლაურის მუნიციპალიტეტი;

ტენდერის ნომერი: SPA160005342;

შესყიდვის ობიექტი: 45200000 - მთლიანი ან ნაწილობრივი სამშენებლო სამუშაოები და სამოქალაქო მშენებლობის სამუშაოები;

მიმწოდებელი: შპს „ჰიდრო და საინჟინრო გეოლოგია 2011“ (ს/ნ: 404412177);

წერილობითი შეტყობინების საფუძველი: სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულება.

აღწერილობითი ნაწილი

1. ადმინისტრაციული წარმოების დაწყება

1.1. სახელმწიფო შესყიდვების სააგენტოში 2019 წლის 26 ივნისს წარმოდგენილ იქნა ამბროლაურის მუნიციპალიტეტის მერიის 2019 წლის 26 ივნისის №4171 წერილობითი შეტყობინება (რეგისტრაციის №6909), რომლითაც სააგენტოს ეცნობა შპს „ჰიდრო და საინჟინრო გეოლოგია 2011“-ის (ს/ნ: 404412177) მიერ SPA160005342 ელექტრონული ტენდერის საშუალებით დადებული 2016 წლის 21 მარტის №39 სახელმწიფო შესყიდვის შესახებ ხელშეკრულებით ნაკისრი ვალდებულებების არაჯეროვანი შესრულების თაობაზე.

1.2. სააგენტომ მიმწოდებელს, სახელმწიფო შესყიდვების ერთიან ელექტრონულ სისტემაში მის პროფილში მითითებული ელექტრონული ფოსტის მისამართის narsavidze@yahoo.com მეშვეობით, 2019 წლის 4 ივლისის № 2587 წერილით აცნობა სააგენტოში შემსყიდველი ორგანიზაციის წერილობითი შეტყობინების წარმოდგენის თაობაზე და, სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-5 მუხლის მე-5 პუნქტის შესაბამისად, სთხოვა ხსენებულ საქმეზე წერილობითი განმარტების წარმოდგენა. მიმწოდებელს განმარტება არ წარმოუდგენია.

2. შემსყიდველი ორგანიზაციის პოზიცია

შემსყიდველი ორგანიზაციის წერილობითი შეტყობინების თანახმად, მიმწოდებელმა არაჯეროვნად შეასრულა 2016 წლის 21 მარტის № 39 სახელმწიფო შესყიდვის შესახებ ხელშეკრულებით ნაკისრი ვალდებულებები.

3. მიმწოდებლის პოზიცია

ადმინისტრაციული წარმოების ფარგლებში მიმწოდებელს განმარტება არ წარმოუდგენია.

4. სააგენტოს მიერ დადგენილი გარემოებები

4.1. 2016 წლის 15 თებერვალს ამბროლაურის მუნიციპალიტეტის გამგეობამ გამოაცხადა SPA160005342 ელექტრონული ტენდერი მთლიანი ან ნაწილობრივი სამშენებლო სამუშაოებისა და სამოქალაქო მშენებლობის სამუშაოების (CPV45200000) შესყიდვის მიზნით.

4.2. 2016 წლის 21 მარტს მხარეთა შორის გაფორმდა №39 სახელმწიფო შესყიდვის შესახებ ხელშეკრულება, რომლის თანახმად, მიმწოდებელს შემსყიდველი ორგანიზაციისთვის უნდა შეესრულებინა ხელშეკრულებით გათვალისწინებული სამუშაო მისი გაფორმებიდან 90 კალენდარული დღის ვადაში. ხელშეკრულების ღირებულებად განისაზღვრა 90 140 ლარი, ხოლო მოქმედების ვადა – 2016 წლის 31 დეკემბრამდე.

4.3. მხარეთა შორის გაფორმებული 2016 წლის 21 მარტის № 39 ხელშეკრულების 7.1 პუნქტის თანახმად, შესრულებული სამუშაოს საგარანტიო ვადად განისაზღვრა არანაკლებ 3 წელი მხარეთა შორის მიღება-ჩაბარების აქტის გაფორმებიდან. აღნიშნულ პერიოდში, მიმწოდებელი ვალდებული იყო, საკუთარი ხარჯებით აღმოეფხვრა ექსპლუატაციის პერიოდში წარმოქმნილი ხარვეზები.

4.4. საქმეში არსებული 2016 წლის 26 აპრილის №1 შეთანხმებისა და 2016 წლის 25 ივლისის №1 ცვლილების აქტების თანახმად, ხელშეკრულებით გათვალისწინებული სამუშაოების დასრულების საბოლოო ვადად განისაზღვრა 2016 წლის 10 აგვისტო.

4.5. საქმეში არსებული 2016 წლის 26 სექტემბრის მიღება-ჩაბარების აქტის თანახმად, მიმწოდებელმა შეასრულა 90 012,4 ლარის ღირებულების სამუშაოები.

4.6. საქმეში არსებული შემსყიდველი ორგანიზაციის შემსყიდველი ორგანიზაციის 2019 წლის 24 მაისის № 3430 წერილით მიმწოდებელს ეცნობა, რომ ხელშეკრულებით გათვალისწინებულ საგარანტიო ვადის პერიოდში გამოიკვეთა ხარვეზი ლითონის სამარაგო ავზზე. აღნიშნული ავზი შიდა და გარე მხრიდან საჭიროებდა კოროზიის სანინააღმდეგო პროცედურის ჩატარებას. შესაბამისად, ამავე წერილით, მიმწოდებელს ეთხოვა, რომ მას 2019 წლის 15 ივნისამდე აღმოეფხვრა გამოვლენილი ხარვეზები.

4.7. საქმეში არსებული ამბროლაურის მუნიციპალიტეტის მერიის არქიტექტურის ზედამხედველობის სამსახურის უფროსის 2019 წლის 25 ივნისის №2441 წერილის თანახმად, მიმწოდებელმა საგარანტიო ვადის პერიოდში ვერ აღმოეფხვრა ლითონის სამარაგო ავზზე გამოვლენილი ხარვეზი.

სამოტივაციო ნაწილი

5. შემაჯამებელი დასკვნა

საქმეში არსებული მტკიცებულებებისა და გარემოებების შეფასებისა და ურთიერთშეჯერების საფუძველზე, სააგენტო მიიჩნევს, რომ შპს „პიდრო და საინჟინრო გეოლოგია 2011“-ს უნდა მიეცეს გაფრთხილება.

6. გამოყენებული სამართლებრივი აქტები

სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესი და პირობები“.

7. სამართლებრივი შეფასება

7.1. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-3 მუხლის მე-4 პუნქტის „ბ“ ქვეპუნქტის თანახმად, სახელმწიფო შესყიდვის ნებისმიერი საშუალებით განხორციელებისას, გარდა კონსოლიდირებული ტენდერისა, პრეტენდენტის/მიმწოდებლის შავ სიაში დარეგისტრირების საფუძველია, თუ მიმწოდებელმა ვერ შეასრულა ან არაჯეროვნად შეასრულა ხელშეკრულებით ნაკისრი ვალდებულებები. იმავდროულად, აუცილებელია, რომ ხელშეკრულების მოქმედების ვადა იყოს გასული ან ხელშეკრულება ვადაზე ადრე იყოს შეწყვეტილი.

7.2. იმავე წესის მე-7 მუხლის მე-2 პუნქტის შესაბამისად, საქმეში არსებული გარემოების გამოკვლევის, შეფასებისა და ურთიერთშეჯერების შედეგად, სააგენტო ადგენს, არსებობს თუ არა პრეტენდენტის/მიმწოდებლის შავ სიაში დარეგისტრირების საფუძველი. იმ შემთხვევაში, თუ არსებობს ამ მუხლის მე-4 პუნქტით გათვალისწინებული გარემოებები, სააგენტო იღებს გადაწყვეტილებას პრეტენდენტის/მიმწოდებლის შავ სიაში დარეგისტრირებაზე უარის თქმის შესახებ, ხოლო იმ შემთხვევაში, თუ არსებობს პრეტენდენტის/მიმწოდებლის შავ სიაში დარეგისტრირების საფუძველი, სააგენტო, ამ მუხლის შესაბამისად, იღებს გადაწყვეტილებას პრეტენდენტის/მიმწოდებლის გაფრთხილების ან შავ სიაში დარეგისტრირების შესახებ.

7.3. განსახილველ შემთხვევაში, დგინდება, რომ მიმწოდებელმა არაჯეროვნად შეასრულა სახელმწიფო შესყიდვის შესახებ ხელშეკრულებით გათვალისწინებული ვალდებულებები, კერძოდ, მან ხელშეკრულებით გათვალისწინებულ საგარანტიო ვადაში ვერ აღმოეფხვრა გამოვლენილი ხარვეზი. ამდენად, სააგენტო მიიჩნევს, რომ არსებობს მიმწოდებლის გაფრთხილების ან შავ სიაში დარეგისტრირების საფუძველი.

7.4. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-3 პუნქტის შესაბამისად, გაფრთხილების ან შავ სიაში დარეგისტრირების შესახებ გადაწყვეტილების მიღებისას, სააგენტო, საქმისთვის მნიშვნელობის მქონე გარემოებებთან ერთად, დამატებით ითვალისწინებს დარღვევის

სიმძიმეს, პრეტენდენტის/მიმწოდებლის მანამდე მიღებული გაფრთხილების თუ შავ სიაში რეგისტრაციის ფაქტ(ებ)ს, მისი სახელმწიფო შესყიდვებში მონაწილეობის აქტივობას.

7.5. სახელმწიფო შესყიდვების სააგენტოს თავმჯდომარის 2015 წლის 29 ოქტომბრის № 19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტის თანახმად, გაფრთხილების შესახებ გადანყვეტილება მიიღება იმ შემთხვევაში, თუ შემსყიდველი ორგანიზაციის მიერ წარდგენილი წერილობითი შეტყობინება სრულად აკმაყოფილებს ამ წესის მე-3 და მე-4 მუხლებით განსაზღვრულ მოთხოვნებს, მაგრამ პრეტენდენტის/მიმწოდებლის შავ სიაში დარეგისტრირებით დაირღვევა თანაბრობის პრინციპი. გაფრთხილება გამოიყენება ერთხელ და მოქმედებს ერთი წლის განმავლობაში. გაფრთხილებულ მიმწოდებელთა სიას სააგენტო განათავსებს ვებგვერდზე.


7.6. სააგენტო მიიჩნევს, რომ შემსყიდველი ორგანიზაციის წერილობითი შეტყობინება აკმაყოფილებს ზემოხსენებული წესის მე-3 და მე-4 მუხლებით განსაზღვრულ მოთხოვნებს. განსახილველ შემთხვევაში, მართალია, მიმწოდებელმა ხელშეკრულებით გათვალისწინებულ საგარანტიო ვადაში ვერ აღმოფხვრა გამოვლენილი ხარვეზი, თუმცა სააგენტო ითვალისწინებს იმ გარემოებას, რომ მიმწოდებელმა სრულად შეასრულა ხელშეკრულებით გათვალისწინებული სამუშაო. ამდენად, სააგენტო მიიჩნევს, რომ, ამ ეტაპზე, შპს „ჰიდრო და საინჟინრო გეოლოგია 2011“-ის შავ სიაში დარეგისტრირებით დადგება არათანაბრობის შედეგი და მიზანშეწონილია მის მიმართ გაფრთხილების გამოყენება.

სარეზოლუციო ნაწილი

სააგენტომ იხელმძღვანელა სახელმწიფო შესყიდვების სააგენტოს თავმჯდომარის 2015 წლის 29 ოქტომბრის №19 ბრძანებით დამტკიცებული „შავი სიის წარმოების წესისა და პირობების“ მე-7 მუხლის მე-5 პუნქტით და დაადგინა:

1. შპს „ჰიდრო და საინჟინრო გეოლოგია 2011“-ს (ს/ნ: 404412177) 2019 წლის 23 აგვისტოს მიეცეს გაფრთხილება.
2. დაევალოს სახელმწიფო შესყიდვების სააგენტოს ინფორმაციული ტექნოლოგიების დეპარტამენტს სააგენტოს ვებგვერდზე შესაბამისი ჩანაწერის გაკეთება.
3. ეს განკარგულება შეიძლება გასაჩივრდეს მისი ოფიციალური გაცნობის დღიდან ერთი თვის ვადაში, თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, მე-12 კმ, №6), კანონმდებლობით დადგენილი წესით.

თავმჯდომარის მოვალეობის შემსრულებელი

ხელმოწერილია/
შტამბდასმულია
ელექტრონულად 

კახი დემეტრაშვილი